

72- Penafian dengan maksud pujian semestinya (tentu) membuktikan kesempurnaan lawannya.	النَّفْيُ الْمَقْصُودُ بِهِ الْمَدْحُ لَا بُدَّ مِنْ أَنْ يَكُونَ مُتَضَمِّنًا لِإِثْبَاتِ كَمَالِ ضِدِّهِ.	قاعدة ٧٢
---	---	----------

Keterangan:

Syeikhul Islam Ibnu Taimiyyah (Ahmad bin 'Abdil Hālīm bin Taimiyyah al-Ĥarrānī m.728H) berkata:

كَانَ عَامَّةُ مَا وَصَفَ اللَّهُ بِهِ نَفْسَهُ مِنَ النَّفْيِ مُتَضَمِّنًا لِإِثْبَاتِ مَدْحٍ كَقَوْلِهِ: {اللَّهُ لَا إِلَهَ إِلَّا هُوَ الْحَيُّ الْقَيُّومُ لَا تَأْخُذُهُ سِنَّةٌ وَلَا نَوْمٌ} إِلَى قَوْلِهِ: {وَلَا يَنُودُهُ حِفْظُهُمَا} فَنَفْيُ السِّنَّةِ وَالنَّوْمِ: يَتَضَمَّنُ كَمَالَ الْحَيَاةِ وَالْقِيَامِ؛ فَهُوَ مُبَيِّنٌ لِكَمَالِ أَنَّهُ الْحَيُّ الْقَيُّومُ.

Bermaksud: Kebanyakan sifat Allah yang dinyatakanNya sendiri dalam bentuk penafian mengandungi pujian. Seperti firman Allah yang bermaksud: Allah, tiada Tuhan (yang berhak disembah) melainkan Dia, Yang Tetap hidup, Yang Kekal selama-lamanya mentadbirkan (sekalian makhlukNya). Yang tidak mengantuk usahkan tidur... dan tiadalah menjadi keberatan kepada Allah

menjaga serta memelihara keduanya... (al-Baqarah:255).

Penafian sifat mengantuk dan tidur bererti menyabitkan sifat Hidup, dan sifat Kekal selama-lamanya mentadbirkan (sekalian makhlukNya) dalam keadaan paling sempurna. Ia menjelaskan lagi erti kesempurnaan yang ada pada dua sifat tersebut. (Majmū` al-Fatāwa j.3 m/s 36).

Imam Ibnu Qayyim al-Jauziyyah (Muhammad bin Abi Bakr bin Ayyub bin Sa`ad m.751H) berkata:

إِنَّ كُلَّ مَا نَفَاهُ اللَّهُ عَنْ نَفْسِهِ هُوَ لِاثْبَاتِ كَمَالِ ضِدِّهِ

Bermaksud: Sesungguhnya segala sifat yang dinafikan oleh Allah dari diriNya bererti mengisbatkan kesempurnaan lawannya. (as-Shawā`iq al-Mursalah j.3 m/s 1023).

Ibnu Abi al-`Izz al-Ĥanafī (‘Ali bin ‘Ali bin Muhammad bin Abi al-`Izz m.792H) di dalam Syarĥ al-`Aqīdah at-Thaĥāwiyyah menulis:

كل نفي يأتي في صفات الله تعالى في الكتاب والسنة إنما هو لثبوت كمال ضده

Bermaksud: Semua penafian yang tersebut tentang sifat-sifat Allah s.w.t. di dalam al-Qur`an dan as-Sunnah sebenarnya adalah untuk menyabitkan kesempurnaan lawannya.

Kesimpulan daripada semua pandangan tokoh-tokoh tersebut ialah sifat-sifat salbiyyah (negatif) yang dibawa di tempat pujian bererti menyabitkan lawannya dalam keadaan paling sempurna. Apabila dinafikan sifat tidur dari Allah, maka itu bererti menyabitkan sifat sedar dan jagaNya yang paling sempurna.

Antara contohnya ialah beberapa firman Allah di bawah ini:

(1)

وَتَوَكَّلْ عَلَى الْخَيِّ الْأَذَى لَا يَمُوتُ وَسَيَجْزِي بِحَنْدِيهِ وَكَفَى بِهِ بِذُنُوبِ عِبَادِهِ خَبِيرًا ۝

Bermaksud: Dan bertawakkallah (berserahlah) engkau kepada Allah Tuhan Yang Hidup, yang tidak mati; serta bertasbihlah dengan memujiNya; dan cukuplah Dia mengetahui secara mendalam akan dosa-dosa hamba-hambaNya. (al-Furqān:58).

Di dalam ayat ini dinafikan sifat mati daripada Allah (الَّذِي لَا يَمُوتُ), maksudnya ialah menyabitkan sifat hidup yang paling sempurna kepadaNya.

(2)

... وَلَا يَظْلِمُ رَبُّكَ أَحَدًا ﴿٤٩﴾

Bermaksud: ... dan (ingatlah) Tuhanmu tidak berlaku zalim kepada sesiapa pun. (al-Kahf:49).

Menafikan sifat zalim daripada Allah bererti menyabitkan sifat adil yang paling sempurna kepadaNya.

(3)

ذَٰلِكَ الْكِتَابُ لَا رَيْبَ فِيهِ هُدًى لِّلْمُتَّقِينَ ﴿٥٠﴾

Bermaksud: Kitab Al-Quran ini, tidak ada sebarang keraguan padanya (tentang datangnya dari Allah dan tentang sempurnanya); ia pula menjadi petunjuk bagi orang-orang yang (hendak) bertaqwa;(al-Baqarah:2).

Apabila dikatakan tiada langsung keraguan padanya, maka itu bererti ia cukup meyakinkan.

(4)

لِّلْفُقَرَاءِ الَّذِينَ أُحْصِرُوا فِي سَبِيلِ اللَّهِ لَا يَسْتَطِيعُونَ ضَرْبًا فِي الْأَرْضِ يَحْسَبُهُمُ الْجَاهِلُ أَغْنِيَاءَ مِنَ التَّعَفُّفِ تَعْرِفُهُمْ بِسِيمَاهُمْ لَا يَسْأَلُونَ
النَّاسَ الْخَافًا وَمَا تُنْفِقُوا مِنْ خَيْرٍ فَإِنَّ اللَّهَ بِهِ عَلِيمٌ ﴿٥١﴾

Bermaksud: (Berinfaqlah) kepada orang-orang fakir miskin yang telah menentukan dirinya (dengan menjalankan khidmat atau berjuang) pada jalan Allah (membela Islam), mereka tidak berupaya mengembara di muka bumi (untuk berniaga dan sebagainya); mereka itu disangka orang kaya oleh orang yang tidak mengetahui halnya, kerana mereka menahan diri daripada meminta-minta. Engkau kenal mereka dengan (melihat) sifat-sifat dan keadaan masing-masing, mereka tidak meminta kepada orang ramai dengan mendesak-desak. Dan (ketahuilah), apa jua yang kamu belanjakan dari harta yang halal maka sesungguhnya Allah sentiasa Mengetahuinya. (al-Baqarah:273).

Penafian daripada mereka sifat meminta kepada orang ramai dengan mendesak-desak membuktikan mereka adalah orang-orang yang sangat memelihara maruah diri. / 23/3/23